



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1654.

urn:nbn:de:hbz:466:1-29436

proscripsit 5 dogmata Jansenii Iprensis Episcopi tanquam aliena à fide, quæ tanto ambitu & sumptibus à quibusdam Doctoribus fuerant hæctenus propugnata.

Catholicorum numero, desertis sacris heterodoxis, accensita est Elisabetha Amelia Magdalena Landgravio Hasso-Darmstadiana, Philippi Wilhelmi Ducis Neoburgi, postea Electoris Palatini conjunx, Imperatoris, Regum Hispaniæ & Lusitaniæ Socrus, & non minùs copiosæ, quam augustæ posteritatis fœcunda parens.

ANNO 1654.

Morte præmaturâ ex pustulis abreptus ex humanis hoc anno fuit Romanorum, Ungarorum & Bohemorum Rex Ferdinandus IV. & regna terræ cum cælo permutavit, magno rei Christianæ luctu, cujus in gloriam & felicitatem adolescebat.

Eodem mense, dum Ludovicus XIV. in solenni inauguratione Rhemis diadema & sceptrum suscipit utrumque in Suecia coram senatu & proceribus deponit Christina Regina Sueciæ incredibili dolore & stupore subsiditorum, & in Carolum Gustavum Comitem Palatinum transfert, retentis duntaxat in sustentationem annuam ducentis

imperialium millibus. Libera imperii mole Christina mox ex Suecia solvit Hamburgū, inde contendit in Belgium Bruxellas. Hic in præsentia Leopoldi Archiducis & Piemontelii Regis Catholici legati in Suecia nocte ipsa præcedentem Natalem Domini privatim Lutherum ejurat, professa fidem Romano-Orthodoxam, quam edocta fuerat à P. Guimesio Dominicano, qui dissimulato habitu illi in Suecia fuerat ab epistolis & secretis.

Alexius Michalovizius Dux Moschorū Smolenskum expugnat. Victor urbem ingressus iconem quandam B. V. eò quondam ex Roxolania delatam magna veneratione coluit, eiq; uni rem benè gestam adscripsit.

Rex Ludovicus Atrebatum, pulsus Hispanis obsidione liberat.

Carolus Dux Lotharingæ in Belgio Hispanis suspectus ob clandestinam cum Mazarino, amicitiam captivus abducitur Bruxellas, inde relegatus in Hispaniam.

ANNUS 1655.

Sub anni hujus initium finem vivendi fecit Innocentius X. confectus ex febricula ad hydropem accedente.

Ejus locum occupavit 6 Aprilis Cardinalis

lis